

Morning Dogri (NSD) Bulletin 16-05-2024

आकाशवाणी

लोकसभा चुनावें दे 5में, 6में ते 7में गेड़ लेई प्रचार जारी। बक्ख-बक्ख सियासी पार्टियों दे कद्दावर लींर देस भरे च रैलियां करा करदे न।

मध्य प्रदेश दे इंदौर च कल चिरें रातीं होए दे इक्क शिड़क हादसे च 8 जनें दी मौत होई गई ऐ।

स्लोवाकिया दे प्रधानमंत्री राबर्ट फिको होरें गी कल गोली लग्गने परेंत उंदी हालत चेंता आहली बनी दी ऐ।

मौसम विभाग नै राजस्थान, पंजाब, हरियाणा ते उत्तर प्रदेश च गर्मी दी नर्मी लहर दी पेशनगोई कीती ऐ।

ओलंपिक चैंपियन नीरज चोपड़ा नै मर्दे दे नेजा सुट्टने आहले फेरेशन कप च सुन्ने दा तगमा जितेया ऐ।

आई.पी.एल क्रिकेट च पंजाब किंग्स नै कल रातीं गुवाहाटी दे बारसापारा क्रिकेट स्टेडियम च राजस्थान रायल्स गी 5 विकेटें कन्नै हराया।

<><><><><><>

Campaign

लोकसभा चुनावें दे 5में, 6में ते 7में गेड़ लेई बक्ख-बक्ख पार्टियों दे कद्दावर लींर अपनी पार्टी दे मेदवारें ते गठबंधन लेई प्रचार करा करदे न।

अगले गेड़ दे चुनाएं लेई सियासी दलें दे स्टार प्रचारक वोटरें गी अपनी बक्खी खिचने आस्तै पूरा दम खत्म ला करदे न। प्रधानमंत्री ते बीजेपी ते सीनियर लीडर नरेंद्र मोदी अगले दऊं दिनें तगर उत्तर प्रदेश च चुनां प्रचार करडन। श्री मोदी होर दऊं दिनें च 11 लोकसभा हल्के च रैलियां करडन। ओह अज्ज जोनपुर, भदोही, प्रतापगढ़ ते आजमगढ़ च आवामी जलसे करडन। उंदा अज्ज रातीं लखनऊ दे गवर्नर हाउस च रूकने दा कार्जक्रम ऐ ते कल ओह बाराबांकी-फतेहपुर ते हमीरपुर निर्वाचन हल्के च 3 होर रैलियें गी संबोधित करडन। एह रैलियां उनें निर्वाचन हल्के च होन जा करदियां न जित्थे 5में ते 6में गेड़ च मतदान होना ऐ। तोआईं फतेहपुर च बीजेपी दे वरिष्ठ लीडर योगी आदित्यनाथ हुंदे सने विपक्षी लीडर समाजवादी पार्टी प्रमुख अखिलेश यादव ते बहुजन समाज पार्टी सुप्रीमो मायावती होर अज्ज प्रचार करडन। कांग्रेस महासचिव प्रियंका गांधी वाड़ा अपने भा राहुल गांधी हुंदे आस्तै राय बरेली संसदीय इलाके च प्रचार करडन। कर्नाटक ते उपमुख्यमंत्री ते वरिष्ठ कांग्रेस लीडर पी.के शिव कुमार भी लखनऊ च प्रेस कांफ्रेंस करडन। तोआईं आम आदमी पार्टी सुप्रीमो अरविंद केजरीवाल कल रातीं लखनऊ पुज्जे। ओह उथे प्रेस कांफ्रेंस करडन।

<><><><><><>

MP-Killed

मध्य प्रदेश दे इंदौर जिले च कल रातीं 2 गड़ियां दी टक्कर च 8 लोकें दी मौत होई गेई ते इक घायल होई गेआ ऐ।

पुलस दे एशिनल सुप्रिंटेंडेंट रूपेश कुमार द्विवेदी होंरें दस्सेया जे इंदौर अहमदाबाद राष्ट्रीय जनैली शिड़क पर इक जीप ते इक होर गड्डी टकराई गई। इस घटना च 8 लोकें दे मारे जाने दी तस्दीक होई ऐ जिसले कि इक जखमीं जनें गी नेडे दे अस्पताल च भर्ती करवाया गेआ ऐ।

<><><><><><>

Maharashtra-Death Toll

मुम्बई दे घाटकोपर च बिल बोर्ड पौने करी पेश अपाए दे इक हादसे च मरने आलें दी गिनतरी दिए 16 होई गई ऐ। राष्ट्रीय आपदा प्रतिक्रिया बल दे अधिकारिं कल हादसे आली थाहर फसी दी इक कारै थवां 2 होर लोथां कड्डियां सोमवार संझा तेज हवाएं ते बेमौसमी बरखा करी घाटकोपर दे छेदा नगर दे इक पेट्रोल पंप पर इक बड्डी होर्गिं पई गई ही, एहदे च 75 लोक घायल होई गए हे।

<><><><><><>

PM-Slovakia

स्लोवाकिया दे प्रधानमंत्री राबर्ट फिको होंरें गी इक सरकारी बैठक मगरा हमले च केई गोलियां लग्गने करी उंदी हालत चैंता आली बनी दी ऐ। गृह मंत्री माटुस सुताज एस्टोक हुंदा आखना ऐ जे घटना राज्य पर गै हमला हा।

उंदा गलाना ऐ जे हमलावर नै 5 बारी गोली मारी जिस करी प्रधानमंत्री हुंदी हालत चैंता आली बनी दी ऐ। गृह मंत्री होरें इस घटना गी लोकतंत्र पर हमला दस्सेया।

<><><><><><>

PM-Singapore

प्रधानमंत्री नरेंद्र मोदी होरें सिंगापुर दे प्रधानमंत्री दा औहदा संभालने पर लॉरेंस वॉंग होरें गी बदाई दिती ऐ। इक सोशल मीडिया पोस्ट च मोदी होरें आखेआ जे ओह भारत सिंगापुर रणनीतिक सांझेदारी गी अग्गे बदाने आस्तै वॉंग हुंदे कन्नै मिलिए कम्म करने लेई उत्सुक न।

<><><><><><>

NIA

राष्ट्रीय जांच एजेंसी एनआई नै हैदराबाद जासूरी मामले च आरोपी नुरूदीन गी कर्नाटक दे मैसूर सोयां कल गिरफ्तार कीता। ओदे पर 5 लकख रुपें दा ईनाम रक्खेआ गेदा हा। इस मामले च श्रीलंका ते पाकिस्तान दा इक-इक नागरिक शामिल ऐ। एजेंसी नै घर पर छापेमारी करिए मोबाइल फोन, लैपटाप, पेनड्राइव ते ड्रोन सने आपत्तिजनक सामग्री बरामद कीती।

<><><><><><>

Shah Interview

भारतीय जनता पार्टी दे वरिष्ठ नेता ते केंद्रीय मंत्री अमित शाह होरें फही आखेआ ऐ जे पाकिस्तान दे नजैज कब्जे आला जम्मू-कश्मीर भारत दा हिस्सा ऐ ते एहदे पर भारत दा हक्क ऐ। इक खबर एजेंसी गी दित्ते गेदे इंटरव्यु च उनें आखेआ जे पाकिस्तान दे नजैज कब्जे आला जम्मू-कश्मीर भारत दा ऐ की जे समूचे जम्मू-कश्मीर दा विलय भारत च कीता गेआ हा। पाकिस्तान कब्जे आले जम्मू-कश्मीर च होआ रदे प्रदर्शनें बारै च शाह होरें आखेआ जे एह कुप्रबंधन करी ऐ। आम आदमी पार्टी प्रमुख हुंदे इस दावे जे पार्टी गी लोड़चदे वोट मिलने पर उनेंगी जेल जाने दी लोड़ नेई होग, इस पर गृह मंत्री होरें आखेआ जे उनेंगी लगदा ऐ जे एह सुप्रीम कोर्ट दी साफतौर पर अवमानना ऐ।

<><><><><><>

IMD

राजस्थान, पंजाब, हरियाणा ते उत्तर प्रदेश च अज्जै थमां गर्मी दा नमां दौर रम्भ होने दी संभावना ऐ। मौसम विभाग नै आखेआ ऐ जे भारत दे पूर्वी ते उत्तर पूर्वी इलाकें च अज्ज गर्भ ते नर्मी आहला मौसम बने दा रौहग। मैहकमे नै आखेआ ऐ जे अगले चऊं ध्याड़ें दौरान उत्तर पच्छिम ते पूर्वी भारत दे नेकें हिस्सें च बद्दोबद्द तापमान तकरीबन 3 शा 4 िग्री सैल्यिस बदी जाग।

18 ते 19 मई गी दिल्ली झारखंड, गांगेय, पच्छिम बंगाल ते ओडिशा च बी इस्सै चाल्ली दे मौसम दी संभावना ऐ। तोआईं दिल्ली च दिनें तेज बाउ कन्नै लू चलने दी संभावना ऐ।

<><><><><><>

Imran-Khan

पाकिस्तान च इस्लामाबाद हाईकोर्ट नै साबका प्रधानमंत्री इमरान खान होरें गी 19 करोड़ रपे दे भ्रष्टाचार आहले मामले च जमानत देई दिती ऐ। इस मामले च खान ते उंदी घरै आहली पर इक मुक्ख रायल एस्टेट कारोबारी सोयां रिश्वत दे तौर पर अरबें रपें दी जमीन लैने दा आरोप ऐ। इस्लामाबाद होई कोर्ट दी 2 सदस्यें दी पीठ नै बहस पूरी होने मगरा फैसला सुरक्षित रक्खी लैता हा। अदालत नै खान होरें गी जमानत आस्तै 10 लक्ख रपे दा जमानती बां जमा कराने लेई गलाया।

<><><><><><>

India-Skills

मुख्य दी सब्बनें थवां बड़ी कौशल प्रतियोगिता The India skill 2024 कल नर्मि दिल्ली च शुरू होई गई।

अगले 4 दिन तगर इस प्रतियोगिता च 30 राज्ये ते केंद्र शासित प्रदेशे दे 900
थवां मते विद्यार्थी रिवायती हस्तकला सोयां लेइए नमीं तकनीक तगर 61
बकख-बकख क्षेत्रे च अपना कौशल दस्सडन।

<><><><><><>

Neeraj-Chopra

ओलंपिक चैंपियन नीरज चोपड़ा नै कल भुवनेश्वर च मर्दे दी नेजा सुट्टने
आहली प्रतियोगिता फे्रेशन कप 2024 च सुन्ने दा तगमा जित्तेया ऐ। 26 बरें
दी बरेसू दे चोपड़ा गी प्रतियोगिता दे शुरूआती दौर च जद्दोजहद करनी पेई ही
कीजे त्रों रौं दे पूरे होने मगरा ओह दुई थाहर पर हे। उनें चौथे राउं च 82.27
मीटर दी दूरी पर नेजा सुट्टियै बढत बनाई लैती। नीरज चोपड़ा नै 2021 च
देसै च आयोजित इस्सै प्रतियोगिता च हिस्सा लेइयै 87.80 मीटर दूर नेजा
सुट्टियै सुन्ने दा तगमा जित्तेया हा। औदे मगरा उनें टोक्यो ओलंपिक च
ऐतिहासिक सुन्ने दा तगमा जित्तेया ते 2022 च ायमं लीग चैंपियनशिप दा
खिताब अपने नां कीता। 2023 च चोपड़ा होर विश्व चैंपियन बने ते चीन च
एशियाई खेड्डे च सुन्ने दा तगमा जित्तेया।

<><><><><><>

IPL

आई.पी.एल क्रिकेट च पंजाब किंग्स नै गुवाहाटी च कल खेड्ढे गेदे मैच च राजस्थान रायल्स गी 5 विकेटें कन्नै हराई दिता। पैहले बल्लेबाजी करदे होई राजस्थान रायल्स नै तय 20 ओवरें च 9 विकेटें पर 144 रन बनाए। परते च पंजाब किंग्स नै 18 ओवर ते 5 गेंदें च 145 रन बनाइये मैच जिती लैता। राजस्थान आस्तै एह ओदी चौथी हार ही, पर ओह 16 अंके कन्नै पदक तालिका च दुई थाहर पर बने दा ऐ।

<><><><><><>

Sikkim Foundation Day

अज्ज सिक्किम दा 49मां राज्य दिवस ऐ। अज्जै दे गै दिन 1975 च सिक्किम दा 22में राज्य दे रूप च भारत च विलय होआ हा। एहदे लेई संसद नै संवैधानिक संशोधन कीता। सिक्किम दे राज्यपाल लक्ष्मण प्रसाद आचार्य नै इस मौके पर राज्य दे लोकें गी शुभकामनां दितियां। उनें राज्य दी 49 बरें दी लोकतांत्रिक यात्राएं च बक्ख-बक्ख क्षेत्रें च होई दी उपलब्धिएं दा बी जिक्र कीता।

<><><><><><>